

平湖縣志卷五

四品銜升用同知平湖縣知縣彭潤章修

武備

兵制 汎守 倭夷粵匪附

兵制 按明制設水陸兩營專司巡防 國朝增設滿洲水師 杭之議兵制率多改易茲詳書之以昭鄭重 外此尚有民兵弓兵舖兵塘兵均附見焉

陸兵

明洪武十九年築乍浦城垣設守禦千戶所建置置正千

戶一員副二員管軍百戶二十員員轄總旗二人小旗十人軍百

人隸海甯衛調官軍湯成等守禦列烽墩五座獨山高公山陳山 觀山惹山

寨十四座獨樹東寨獨樹西寨蒲山外寨蒲山東寨蒲山西寨蒲 山大寨東山寨東山嘴寨益山寨唐家灣寨聖如宮寨

周涇寨金家灣 正統八 前志作七年据九山補志云八年五月十 寨西海口寨 六日登金家灣六月二十六日又上獨樹

林所謂再寇 乍浦也今正 年倭再寇乍浦吏兵不能支戶部侍郎焦宏奏調海

平湖縣志

卷五

武備 兵制

甯衛後所官軍移置乍城貼守正副千戶三員惟百戶止十員建置

子所拓梁莊堡為城亦以衛指揮一員統官軍戍焉增設騎操馬

百五十四匹成宏而後海上無事諸弁尙文雅軍亦服四民業者

多尺籍虛嘉靖中馬額減至二十匹武備衰耗倭變適大作衛所

軍不堪用乃募民為兵兵制因大變初浙有考選把總四員麻袁 志以

統衛所銜 日備倭三十六年以事權不重題奉欽依以都指揮體統行事

由朝授浙西者曰海甯總駐乍浦建置隸嘉湖參將及兵備副使

設嘉海防守陸營十營各五 百餘人分海鹽中後兩營守乍每營名色把

總一員哨官四員隊長一十五名什長四十五名正兵四百五十

名火兵四十五名雜流五十五名按月操演春汛更撥杭州營兵

五百名協守至五月方撤尋以警息議銷兵隆慶四年巡撫谷中



虛定嘉興區兵制凡一營五總中總守嘉興左後總守海鹽右總守澉浦以前總營守

乍計五哨名色把總一員哨官五員隊什長正兵其五百十名戰

馬一匹雜流吹鼓旗手二十五名萬曆二十五年巡撫劉元霖以

乍浦地尤衝要兵力單弱奏選二所軍餘增設一總名左營改左總為

中左營中計四哨名色把總一員哨官四員隊長一十二名什長

三十六名兵三百二十四名戰馬一匹雜流二十四名汛期前營

兵出守梁莊東至大營盤與金山營西至乍教場按浙江通志作牛橋與本

區左營各官兵會哨海防類考乍浦所撥哨籌三十根每年三月

彼此循環毋分雨夜逐墩遞送傳報有無聲息陸路官置簿登左

記遞到籌號姓名日時每五日驛送軍門并就近該道查考

營軍出守西海口東至梁莊大寨與前營南至白馬廟與海鹽後

營各官兵會哨海鹽圖經參程志

平湖縣志 卷五 武備 兵制 二

國朝順治十七年所廢一統志按王志云二所千百戶裁汰年分

經制官兵皆駐劄郡城以偏裨各官分防沿海各汛七年因海寇

窺犯調撫湖兩標兵協防尋撤十三年移嘉協右營守備一員駐

防乍浦署印明欽依把總署隸遊擊浙江通志康熙五十馬步兵九百名撥

防沿海及內汛康熙四年派定管轄右營專轄嘉善平湖王江涇

斜塘天甯莊五年調兵八十五名赴太湖營八年為會閱沿海等

事題定乍浦目兵三百三十五名分防沿海臺寨二十一處九年

裁兵九十名按朱志作八十一名誤從高志更正本營實存馬步兵七百二十五名

內隨防乍浦一百八十三名餘分防平湖嘉善海鹽秀水各縣汛

馬一步九府袁志參朱志五十七年撤調斜塘汛千總一員兵三十名歸

乍浦防西山嘴砲臺未幾設水師千總及兵防仍撤去嗣又陸續



撥兵歸郡乍浦存兵一百五十三名乍浦志內養廉八名公糧五名

乾隆四十七年奉文裁改公廉守備駐防乍浦帶兵一百四十名

內馬兵九名戰兵四十八名守兵八十三名馬九匹快唬船二隻

王道光間改定馬兵一十四名戰兵三十二名守兵八十三名兵

丁官給馬一十四匹快唬船一隻巡船二隻府志同治七年總督

左宗棠 奏請裁減水陸兵額現在守備駐防乍浦馬步戰守兵

丁七十六名內馬兵三名戰兵二十一名守兵五十二名兵丁官

給馬三匹新纂同治五年閩浙總督左宗棠奏閩之兵額六萬

多如果一兵得一兵之用制賊自有餘力何以巨賊入境所至成

墟不但不能收一戰之功並不能為一日之守也然則 國家每

歲所耗之餉不重可惜乎假令事前兩省有素練之兵五萬以之

援鄰以之保境豈不綽然何至遠恃客軍多糜巨餉惟其兵多故

餉不能厚惟其餉薄故兵不能精此固前效之可睹者臣惟兵之

應亟汰者四老弱疲乏之兵吸食洋煙之兵虛名占伍之兵塘汛

零星之兵此皆無所用亦不可練者此外各標協營聽差傳號書

識各名色不預操練之兵實為軍政之蠹亦應酌量裁減以實行

伍約計應汰之兵至少不下四成有餘兵既減其員弁亦可酌量

裁併所裁之廉俸薪乾亦可留養練兵挑留可練之兵即以裁兵

之餉加給之餉米併計馬戰守兵日用足敷無須別營生業自可

聚居勤練而免散漫荒嬉之弊塘汛零星之兵有名無實甚或高

留娼賭擾害地方若併歸總汛聚居勤練分段輪派巡緝聲勢較

完訪察易徧較之三五六錯雜無人管束訓練者有別是減兵云者

祇減此無用不可練之兵於兵制實無所損加餉云者即扣此項

裁兵之銀於餉事亦無所加也浙江郡縣克復時臣即飭逃潰兵

平湖縣志 卷五 武備 兵制 三

依分防平湖縣城把總一員按今駐防邑汛或干馬步兵丁九十

九名快唬船三隻浙江通志雍正五年添設協防外委一員駐新帶乾

隆四十七年奉文裁改養廉公糧兵一十一名分防平湖實帶兵

八十八名內馬戰守兵隨時拔降無定額王道光間改定馬步戰



守兵共八十九名內馬兵三名戰兵十二名守兵七十四名兵丁

官給馬三匹巡船三隻

府志纂

同治七年總督左宗棠

奏請裁改

水陸兵額現在分防平湖千總一員外委一員馬步戰守兵丁四

十七名內馬兵一名戰兵八名守兵三十八名兵丁官給馬一匹

新纂

水兵 明洪武四年海上民沈保童用竹筏載倭登掠海鹽始置

衛所巡禦每千戶所設備倭船十隻每百戶船一隻每船旗軍一

百名戰船為大青為風尖為八槳

籌海圖編戰船有七百料五百料四百料二百料尖舢之殊

汛月出洋巡倭

奔州史料防海者以三四五月為大汛九十月為小汛其所向一視乎風倭國事畧凡倭船之來恆

在清明之後前乎此風候不常屆期方有東北風多日而不變也

過五月風自南來不利於行矣重陽後風亦有東北者過十月風

自北來亦非倭所利矣故永樂七年革煙墩盡調衛所船協哨沈

防倭者以此五月為汛也

平湖縣志 卷五 武備 兵制 四

家門水寨沈家門在定海洋外舟山普陀間去浙西千里非本衛

衝要必守之地洪熙元年右布政使周幹請撤歸近海各守汛地

宣德三年行在兵部又以為言皆未果撤至正統間始撤回

海甯衛志

正統以前衛指揮千百戶率軍乘船往沈家門防倭半年始更番

或遇颶風全溺或病歿每更番哭聲震地海口居民劉鳳奏云海

東遼遠顧彼失此枉喪生靈請罷之下議責居民可保無虞增沿

否鳳遂自保之乃罷役 按各舊志作宣德二年撤者俱誤

海堡成革出海五百料金字號戰船七十二隻止留小尖哨船二

十備乍之西海口不復遠戍嘉靖中海船廢盡

海防類考各區戰船先年俱於衛所

食糧旗軍內選駕海甯總計二十隻後 三十六年郡城設水兵營

損者不修缺者不補倭變船無可用 五兵數同陸營而海上募福建倉山福清小哨叭喇唬八槳等船

七十七艘設海鹽澈浦乍浦三關立把總三員哨官十員正副捕 舵繚旋梢手散兵共二千餘名遇汛輪番出哨羊滸一作二山汛



畢各守本關在乍浦者泊西海口謂之下關在海鹽者泊白塔港  
謂之中關在澉浦者泊黃道廟謂之上關隆慶三年汰海澉二關  
留乍浦一關四年定制凡四哨一哨羊山一哨澉山一哨西海口  
一哨白塔港其哨守之規各哨所占山巒南與臨觀海哨會北與  
金山吳淞海哨會王樵樵李記自倭亂平三關改為四哨白塔港  
為一哨兵船九艘哨官一人領之乍浦為一哨  
兵船八艘參將中軍把總領之澉山為第二層門戶立為一哨用  
蒼船二艘沙船小哨船叭喇唬船共一十六艘水兵把總一員領  
之羊山為第一層門戶立為一哨用者舵用募兵貼駕用軍兵萬  
船如澉山之數備倭把總親督領之歷三年貼駕復改用民兵時以倭警久息又裁白塔港哨船之半  
不數年釜山見告海上復修舊備黃道關亦增設哨船為中游右  
哨而以白塔港為中游左哨每遇汛期督撫軍門檄兵巡道同參  
將至乍督發兵船出戍海洋督撫則問歲一親行焉中游左哨本  
平湖縣志 卷五 武備 兵制 五

參中軍官統領沙船五隻小哨船七隻唬船十隻捕舵兵薪四百  
一十名平時沙船收泊乍浦併綜合操小哨船泊秦駐山唬船分  
派內河巡緝鹽盜汛期俱泊白塔海港遇警策應遊守各哨仍輪

撥兵船與本區羊澉西海口官兵會哨海防類考舊規水兵逼汛  
彼此會哨取單查考近來  
率多虛應就於近洋交單致賊至外洋隱匿不報今刊刻哨符編  
號印發把總各官照依派定處所給符填注發日時刻往來會哨  
交符卽填到中遊右哨本參中軍官兼攝小哨船三隻唬船六隻  
時汛畢繳查

捕舵兵夫一百五十六名泊守與左哨同汛期專派黃道廟哨守  
羊山哨備倭把總統領總哨官一員福蒼沙哨唬等船共二十隻  
捕舵兵薪三百四十六名駐泊西海口汛期出守羊山聖姑礁輪

撥兵船前往浙東沙塘衢東等縣并直隸吳淞官兵會哨澉山哨  
總哨官一員福蒼沙哨唬等船共一十九隻捕舵兵薪三百六十



六名駐泊西海口汛期泊守澗山輪撥兵船往沙塘衢東等處并直隸金山營官兵會哨守關哨總哨官一員蒼沙哨唬等船共一十八隻捕舵兵薪三百六十名駐泊西海口汛期出守唐家灣每上下半月輪撥兵船往沙塘等處并金山營官兵會哨天啓間因洋勞逸不均三哨遞年更番輪易參將於各哨撥福蒼等船一隻并網船六隻居中往來調度汛畢收泊乍浦關即西海口訓練仍撥叭喇唬船輪出外洋哨探嘉興水兵協守哨本道中軍官兼攝巡哨哨官一員唬船一十四隻每船捕舵兵薪一十六名家丁一名派守嘉興西北二塘巡緝鹽盜汛期出海協守西海白塔二處海洋與該關兵船會哨海鹽圖經參程志兵備道車大任出汛篇石刻乍浦在平湖甘里外大海密邇賊船得風瞬息可達嘉靖乙卯之事可鑑哉余濫竽備兵春汛偕馬參戎及文武將吏誓師而返紀事六章材官分水陸大將善防倭月酌吳山上花吟越海阿潮聲喧鼓吹檣

平湖縣志

卷五

武備 兵制

影綴干戈銅柱千秋績還歸馬伏波鸞鳳彌花縣貔貅肅柳營繭絲敷惠政韜畧重邊城海吼因潮見山行與石爭人和天更險夜柝盡銷聲煙裊臨風靖天戈耀日輝書生漸俎豆亦欲試戎衣蛟室渾難辨蜃樓淡若飛陽回凍未解庶或助兵威石潤潮侵岸雲蒸花滿塔短衣堪射虎當道莫容豺越國雄風舊秦山瑞氣佳乍晴翻積雨天為掃陰霾聞道嚴招撫先聲好豫防昔年殷鑑在今日帝圖昌雲漲千郊麥春濃萬樹桑勝兵良吏具仁義是金湯歡聲傾海甸喜色動茅茨為有舞千化同欣納款時四夷長自守六月詎興師擊節塞帷罷停盃再賦詩萬曆甲辰仲春

國初裁汰

朱志

雍正二年設乍浦水師營遊擊一員守備一員千總一

員把總二員兵五百名官馬一十六匹營房五百間署及營房並詳建置

船一十隻編列時字號內水船二隻每船配兵六十名南船四隻每船配兵三十

名二哨船四隻每船配兵二十名分配紅衣砲八位百子砲四十位劈山砲

二位分防乍浦口址按期酌配官兵編定專汛隨踪扼守跟踪更

番出洋巡哨按參將守備在洋扼守千把總在洋專五年添設外



委千總一員外委把總二員七年題准嘉協右營守備屬乍浦營

遊擊就近兼轄仍聽嘉協節制九年改遊擊為參將不受副將節

制雍正二年兵部為請更浙閩等事議覆福浙總督覺羅滿保疏

稱嘉興所屬之乍浦與江南洋面交界最為緊要臣擬於乍浦

營設兵五百名撥定海鎮標戰船十隻以副巡防此應設兵五百

名於水陸各營內酌量改撥浙省瑞安營原設馬兵九十八名鎮

海營原設馬兵一百二十六名今既設為水師毋庸安置馬兵查

馬兵月餉二兩馬乾一兩共三兩戰兵月餉一兩五錢是馬兵一

名每月餉乾可募補戰兵二名請將瑞安鎮海二營馬兵二百二

十四名改為水戰兵四百四十八名除歸還瑞安鎮海原額二百

二十四名外其餘二百二十四名撥歸乍浦營令其招募配防止

須加給月米毋庸另添兵餉再乍浦營所轄水汛原屬定鎮右營

水汛今既設乍浦營毋庸定鎮右營巡防乍浦應於定鎮右營撥

水守兵一百名連人調赴乍浦巡防再於浙省陸路各營內撫標

二營提標五營象協二營甯海二營太平營共十二營每營抽守

兵十名大荆營抽守兵五十六名其抽守兵一百七十六名各原

營遇有逃亡事故裁缺不補歸於乍浦營招募巡防合之乍浦營

設水戰兵二百二十四名水手兵二百七十六名以足五百名之

數等語應如該督所請准其改設抽撥可也奉 旨依議 七

年怡親王等會同兵部為遵 旨議覆事浙江總督李衛條奏

平湖縣志 卷五 武備 兵制 七

水陸營制事宜一摺內一款奏稱乍浦當江浙之衝為海洋要口

向有嘉協右營守備駐劄分防陸汛而水師洋面則定海鎮右營

汛地相隔遙遠巡防不及雍正二年添設水師營遊擊誠屬因地

制宜但一城之中水陸兩營不相統屬呼應不靈以嘉協右營原

防之西山嘴砲臺天妃宮汛地改歸乍浦水師營撥千總一員輪

轄乍浦遊擊聽嘉協副將節制使彼此聯屬不致號令兩歧推選

拔員弁水陸技藝不同仍照舊例自行起送等語查乍浦原係嘉

協所屬向派嘉協右營守備分防西山嘴砲臺天妃宮陸汛其水

汛洋面俱係定鎮右營將備輪流配船巡哨嗣經乍浦添設水師

遊擊將水汛責之乍浦遊擊陸汛令嘉協右營守備管轄水陸將

備原不相統屬今該督請將嘉協右營守備原防陸汛改歸乍浦

營派撥千把總輪防該守備並聽遊擊管轄遊擊聽嘉協副將節

制彼此聯屬交相控制似屬得宜應如該督所請準其改撥管轄

奉 旨依議 九年兵部為請定武職陞選等事議得浙江總

督李衛疏稱浙江參將專任水師者止有鎮海一缺而水師遊擊

則有十員查乍浦界連江浙逼近洋面從前設兵僅五百名是以

止用遊擊管轄今滿營水師船水四百名俱係綠旗兵丁現屬乍

浦遊擊管束操練兵數已多似應將乍浦水師遊擊改為水師參

將其陸路在乍之備弁兵丁并木城內外地方仍聽其兼轄遊擊

既改參將毋庸聽嘉協副將節制等因應如所請準其改設 增馬

應給傳 勅關防行文禮部鑄造換給可也奉 旨依議 增馬



二匹乾隆十九年總督喀爾吉善奏移海甯兵備道標下守備一員千總一員把總二員外委四員塘兵一百名隸乍浦水師營添建營房一百間營分左右以舊守備領左營新守備領右營兩營

勻派各三百名浙江通志三十三年裁水船船一隻張志三十五年

參將王作賓因水陸汛務不同詳請裁去兼轄字樣專管水師四十七年裁改養廉公糧兵一百三名實兵四百九十七名內水戰

兵一百七十三名水守兵三百二十四名王志道光二十三年巡撫

劉韻珂奏請改參將為副將增兵三百十名裁滿營綠旗舵水

兵二百名改為水師歸副將屬其水兵一千名內戰兵三百三十

四名守兵六百六十六名米餉如舊制員弁不增新纂兵部議

韻珂奏稱浙西乍浦一營額設外海水師四百九十名以參將統領查乍浦界居江浙兩省之中上為江蘇藩籬下為杭州保障

平湖縣志 卷五 武備 兵制 八

且距定海不遠亦有犄角之勢原設兵丁甚少參將體制亦屬欠

崇應添設外海水師五百一十名與原設之兵共成一千名並將

參將陞為副將庶軍威壯盛戰守有備並稱巡撫每年冬間親赴

乍浦澈浦將水師校閱一次俾有考核等語應如所奏辦理奉

旨 依議 同治六年總督左宗棠奏請減兵增餉自同治八年正月

始改定額兵六百名內水戰兵二百五十五名水守兵三百九十五名

十一年七月奉裁左營把總一員右營外委一員現在水師副將

一員左營中軍守備一員千總一員把總一員外委三名右營守

備一員千總一員把總二員外委三名原設巡洋兵船咸豐十一

年粵匪陷乍浦被燬現在新設紅單廣艇一隻釣船二隻巡緝本

洋分配大轉輪砲二位小轉輪砲二位邊砲四位銅砲二位鐵砲

十位新纂

滿州水師 雍正六年移杭州滿州右翼副都統一員駐劄乍浦



領左右兩營設協領五員內蒙古一員佐領一十一員內蒙古三員防禦八

員內蒙古二員驍騎校一十六員內蒙古四員理事同知一員筆帖式二員

派杭州江甯甲兵各八百名共一千六百名內領催九十六名十一年領催內委署前

鋒校十六名甲兵內委官馬一百三十五匹甲兵馬三百匹給營

署前鋒一百八十四名房三千二百間堆子房一十六所署及營房並詳建置杭州兵駐左營江甯

兵駐右營教習舵水綠旗兵四百名營房四百間置戰船二十二

隻分編甯謚字號內大趕艚船九隻小趕艚船九隻南艚船四隻分配大

砲一百一十位於西山嘴海洋操演平時收泊海口間按舊名潮間通海潮

以收海船潮至則開潮平則閉洪武二十七年乍浦千戶所置後漸淤塞設滿營時復行開濬水陸門設堆子房

六所佐領等率兵值宿掌管鑰兼轄西山嘴砲臺而洋汛會哨皆

下與七年三月奉

平湖縣志 卷五 武備 兵制

上諭加恩各省駐防兵丁乍浦賞銀一萬兩交與該都統管運生息如

兵丁家有吉凶之費將息銀量給以濟其用八年立演武場於東

門內詳建置 十一年添設弓匠十六名箭匠十六名鐵匠十六名乾

隆十五年乍浦副都統額爾登題裁南艚船四隻二十年裁甲兵

馬二百五十四匹二十五年又裁大趕艚船四隻小趕艚船四隻其

綠旗教習四百名雍正九年添設外委千總一員外委把總二員

歸參將管轄乾隆十一年巡撫常安題准酌留二百名其餘俟有

缺出停其募補卽將滿洲餘丁挑補部議止留六十名十二年將

軍薩爾哈岱以不敷戰船之用題留一百一十五名十五年副都

統額爾登又題留二名浙江通志三十六年准部咨水手四百名

裁汰一百五十名題留捕盜正副舵工繚旋斗手二百五十名張志











爲水師歸副將屬

兵部議覆浙江巡撫劉韻珂奏稱旗兵素以騎射爲重於洋而情形不甚熟悉飭令學習終屬

隔膜所設趕船水手兵徒滋糜費自應就其所長專習陸戰並練火器所有該營額設趕船十隻滿漢水手兵二百五十名應全數裁汰所裁之滿水手兵五十名即改爲陸路旗兵考選充補所裁之漢水手兵二百名即抵補乍浦營等語應如所奏辦理奉

旨咸豐十一年粵匪陷乍浦闔營殉節同治四年署將軍明

興 奏請以乍浦佐領祥英等歸隸杭州駐防當差同治八年署

將軍連成 奏請撥回乍浦駐防因營署未建仍駐杭州現在協

領一員佐領一員防禦二員驍騎校二員筆帖式一員暫額甲兵

八十名協領馬八匹佐領馬六匹防禦馬三匹驍騎校馬二匹筆

帖式馬一匹甲兵無馬 新纂 按府許志云僅存兵丁四十六名

民兵 明正統六年因江西寇作詔僉練民壯守禦原設一百六

十名按田編僉隨正軍操演保障城邑 明會典天順元年令招募民壯鞍馬器械悉從官給

平湖縣志 卷五 武備 兵制 三

本戶有糧與免五石仍免戶下二宏治二年增至三百一十四名

丁以資供給如有事故不許勾丁按月操練巡捕衙統率 淳化類編宏治間令州縣選民年二十以

每里僉二名五百里者三名三百里者四名一百里以上五名春

夏秋每月操二次至冬操三歇三週警調集官給行糧明會典

隆慶四年題准浙省額設民壯除留看守各府州縣城池庫獄外

其餘徵收工食挑選精壯之人設立隊伍聽各該總參都把總官

與軍兵合營操練 萬厯間改歸典史董之每夜分守各門每坊更番巡緝

以三百名爲定額 程志

國朝裁汰二百五十名額設五十名 朱志 每名工食銀六兩遇閏

二十二年全復 弓兵 明洪武二十六年定凡天下要衝去處設巡檢司僉點弓

兵應役 明會典嘉靖九年以乍浦白沙灣二巡檢司沿海獨倍他處

每司各設弓兵一百名 省志作七十名與正軍同操有事聽調隨伍倭變



後因抽取工食多所裁汰每司各存三十四名隨操亦廢僅司巡

鹽捕盜之事程志

國朝額設乍浦鎮巡檢司弓兵三十一名白沙灣巡檢司弓兵三十

一名朱志康熙四十八年各裁汰一名王志每名工食銀三兩六

錢半充餉十六年全裁二十二年全復

舖兵 本縣額設縣前總舖七名惹山梁莊轉塘乍浦東門舖各

五名後每舖各減二名平時傳遞文移遇警則馳報軍情程志

國朝額設衝要縣前舖司兵五名每名工食銀七兩二錢遇閏加六錢偏僻轉塘惹山

乍浦東門梁莊舖司兵各三名朱志每名工食銀六兩遇閏加

兩康熙十六年裁去四十八兩十七年續裁三十兩二十二年全

復按舖兵本非兵高志已不列兵制然程志載有馳報軍情之

文則有備無患亦得以兵概之王志

平湖縣志 卷五 武備 兵制 三

塘兵鹽平兩縣海防營官兵乾隆十九年裁改堡夫內海鹽平湖一百

十七名嗣後又改堡夫為塘兵十七名至乾隆二十八年督撫奏

准鹽平海塘堡夫一百名一併改復守餉塘兵府伊志按塘土

至金山縣止統歸鹽平汎管轄道光年間鹽平汎額定戰守兵一百十四名同治

以來分撥兵四十四名暫歸海甯調遣現在額設鹽平汎把總一

員駐海帶領外委一員額外一員兵丁七十名內戰兵二十五名

守兵四十五名海鹽縣志參府許志



汎守 按乍浦陸則梁莊為咽喉水則羊許為門戶明初但知遠守沈家門其後又撤梁莊之戍以致倭寇乘虛民遭屠戮閱舊志猶為色變已國朝修復營寨添建砲臺陸汎洋汎控制得宜近雖英夷就撫而猶於西山嘴天妃宮等處扼要駐守海氛永靖良有以夫

乍浦城 海口重鎮一統志 去海半里東援金山西衛海鹽內捍平

湖浙西之門戶也 浙江通志詳建置

梁莊小城 在乍浦東北東去獨山二里 乍浦備志 按法志云

鹽圖經云乍浦所東北十里梁莊堡地尤衝要俱以為距乍十里其說近是程志作六里王志作一十五里舊省志作二十七里並誤又按王志云東與直隸金山衛汎地為界外逼大海賊船由羊去獨山五里亦誤

潞山來達此登犯先年賊曾結屯正統中建城設官兵守之 海鹽圖經

嘉靖甲寅置不復守但設軍數名備探哨四十年知縣顧廷對議

移乍浦巡檢司居之仍設兵防禦 朱志

平湖縣志 卷五 武備 汎守 齒

國朝置梁莊山寨與烽墩臺一併哨探 高志詳建置

獨山巡檢司城 在獨山南洪武中築城駐乍浦巡檢司嘉靖中

移駐梁莊 張志詳建置

白沙灣巡檢司城 距乍浦二十里經獨山稍折而東海勢一曲

為泊帆舊地明洪武中築城駐巡檢司 一統志詳建置

按乍浦為汎守之主而梁莊在明為大寨獨山白沙灣俱巡檢司舊治故仍舊志先列之

惹山寨 舊設砲臺並營房四間道光二十二年燬 府志陸營所

轄撥兵一十名 乍浦志 今撥兵如舊制 新纂

乍關鎖鑰 雍正間設即西海口 王水師所轄撥兵六名 乍浦志 同

治間建兵房五間乍浦水師撥兵三十名巡防 新纂

天妃宮砲臺 康熙五十六年總督覺羅滿保閱視沿海事宜題



請增築撥嘉協右營兵三十名守禦雍正七年總督李衛題准改

歸水師營撥千總一員與西山嘴輪防陸兵撤歸府城浙江水師

所轄設外委一員撥兵二十四名在苦竹山麓累石為基安

設大砲四位上建閱操官廳三間乾隆四十六年颶風大作海溢

圯五十一年巡撫福崧伊齡阿先後相度形勢繪圖奏請奉

上諭

文恭紀

歸重西山嘴而天妃宮西但建五櫟小房二間移儲砲位

道光二十一年巡撫劉韻珂閱視沿海防堵事宜題請復建砲

臺並添設大砲二十三年增建營房十間咸豐十一年燬同治十三年浙

江巡撫楊昌濬題請重修並建營房十間乍浦副將盧成金統帶

知縣王之楚軍副將熊常富候補安放銅鐵砲十位平夷鐵砲二位紅衣鐵砲二位銅

浦水師撥兵五十名巡防新募

平湖縣志

卷五

武備 汛守

五

西山嘴砲臺 康熙五十六年總督覺羅滿保題請增築五十七

年將斜塘汛千總一員兵三十名歸乍浦營防禦雍正七年總督

李衛改歸水師營陸營弁兵撤歸府城續令滿洲水師兼管浙江

水師撥兵二十五名滿洲派防禦一員前鋒校前鋒等二十名輪

守乍浦臺高一丈七尺周八丈五尺安放大砲四位臺外有城形

如壺盧周二十八丈堞高三尺三寸即保安城俗中建滿洲水師

閱操官廳三間照房三間兩廂房各三間乾隆五十二年重修王

道光二十五年總督劉韻珂巡撫梁寶常題請重修並增建營房

四十間咸豐十一年燬同治十三年巡撫楊昌濬題請重修並建營房十

間乍浦副將盧成金統帶楚軍副將安放銅鐵砲十二位銅砲二

鐵砲二位廣鑄鐵砲四位熊常富候補知縣王之雋監修乍浦水師撥兵五十名巡防新募

位土砲二位洋砲二位



湯山寨 順治十八年添設朱志陸營所轄撥兵三名乍浦志

觀山寨 順治十八年修朱志陸營所轄撥兵三名乍浦志今撥兵如

舊制新纂

唐家灣砲臺 水陸各撥兵三名稽查船隻乍浦志道光二十三年

籌辦海疆善後事宜總督劉韻珂巡撫梁寶常奏請在內山增築

砲臺並建營房二十間咸豐十一年均燬今歸乍浦陸營所轄撥

兵三名新纂

常山寨 一名長山寨順治十八年添設朱志陸營所轄撥兵三名

乍浦志

東山嘴寨 順治十八年修朱志陸營所轄撥兵三名乍浦志今撥兵

如舊制新纂

平湖縣志 卷五 武備 汛守 六

陳山嘴砲臺 卽陳山寨順治十八年修朱志陸營所轄撥兵三名

乍浦志光緒元年因備倭設防巡撫楊昌濬題請新築並建營房七

間乍浦志副將盧成金統帶楚軍副將熊常富候補知縣王之雋監建新纂

金家灣砲臺 陸營所轄撥兵一十名乍浦志道光二十三年籌辦

海疆善後事宜總督劉韻珂巡撫梁寶常奏請於山灣添築砲臺

並建營房二十間咸豐十一年俱燬今仍歸乍浦陸營所轄撥兵

三名新纂

按萬程橋新橋塔橋聖塘關橋均於道光二十三年海疆善後

建築砲臺並建營房各二十間咸豐十年俱毀以地非扼要故

不備錄姑附於此 暈頂山寨 順治十八年添設朱志陸營所轄撥兵三名乍浦志今撥

兵如舊制新纂



蒲山寨 一名外蒲山寨 順治十八年修 朱志 陸營所轄撥兵三名

乍浦志

高公山寨 順治十八年修 朱志 陸營所轄撥兵三名 乍浦志

菜薺港寨 順治十八年添設 朱志 水陸各撥兵五名稽查船隻 乍浦志

志

澈浦寨 卽蒲山東寨 順治十八年修 朱志 陸營所轄撥兵三名 乍浦志

志

珠冠寨 順治十八年添設 朱志 陸營所轄撥兵三名 乍浦志

益山寨 順治十八年修 朱志 陸營所轄撥兵五名 乍浦志 今撥兵三

名新纂

梁莊寨 順治十八年修 朱志 卽移梁莊城戍兵改設 陸營所轄撥兵五名 乍浦志

平湖縣志 卷五 武備 汛守 七

志

獨山寨 舊有砲臺康熙間築 府吳志纂 平湖汛所轄撥兵一十名 乍浦志

志 今砲臺已廢撥兵如舊制 新纂

茅竹寨 一名獨樹林寨 順治十八年修 朱志 平湖汛所轄撥兵五

名乍浦志 今撥兵如舊制 新纂

按沿海汛地西由海鹽縣界起東至金山縣界止明設烽堠山寨合梁莊城凡二十座 國朝裁去者七日獨樹西寨獨樹東寨蒲山大寨東山寨聖妃宮寨周涇寨西海口寨添設者八日乍關鎖鑰天妃宮砲臺西山嘴砲臺暈頂山寨湯山寨常山寨菜薺港寨珠冠寨共二十一處但同治間裁兵後沿海汛守與舊制間有不符今仍從王志開列而以新章分註庶閱者瞭如指掌焉其邑境官塘各汛附列於後

乍南水門汛 乍北水門汛 皆嘉協營所轄撥兵戍守 王滿洲志

派領催及官兵協守掌管鑰 乍浦備志 今暫歸嘉協營轄 新纂



虹霓堰汛 嘉協營所轄撥兵戍守王

新倉汛 營房五間府于平湖汛所轄撥兵三名王

新埭汛 營房三間府于協防外委駐劄撥兵四名王

廣陳汛 金四孃橋汛 營房各三間皆平湖汛所轄撥兵各三

名王志參府于志

朱洞港汛 紫青寺汛 羊角匯汛 海神廟汛 營房各一間

皆平湖汛所轄撥兵各二名王志參府于志

青陽匯汛 營房三間府于平湖汛所轄撥兵二名王

高橋汛 平湖汛所轄撥兵二名王以上營房均於咸豐十一年

燬新纂

右陸汛

平湖縣志 卷五 武備 汛守 六

大羊山小羊山 浙西極衝要害羊山至澚山一潮澚山至乍浦

亦一潮倭來至陳錢山合踪自陳錢至羊山復占風分踪犯澚直

故羊澚尤澚西門戶永樂時哨沈家門則已遠正統時撤而泊乍

之海岸則已近惟哨羊澚於澚西海徑有合海鹽大小羊山相倚

中隔一港三四里許大羊山稍東南小羊山稍近西北正北有小

山錯雜交浮洋面正東為上川下川徐公馬蹟東北為大七小七

正南雙頭洞姚姓浦長白山正西為澚山澚山西南為大小漁山

為東霍西霍閩省商船之收入乍浦者必由東霍西霍之北澚山

澚山之南西向入口收入上海者必由大七小七西向入口浙江

康熙二十九年兩江總督福浙總督委江南蘇鎮左奇營遊擊丁

際昌郭龍浙江定鎮左右兩營遊擊葉紀原爾懷等會同查勘江



浙洋面分界隨據蘇鎮左奇營遊擊丁際昌等呈稱馬蹟在羊山之東羊山在馬蹟之西東西對峙中間雖隔有海洋及山巒南北參差不一今議以羊山馬蹟兩山南面之諸山及海面總屬浙江北面者總屬江南是以兩山之南北分界非以兩山之東西爲界限也今除羊馬兩山南面各山係浙省之汛不造外其陳錢蘇竇蒲舉小七大七等山相應備冊呈送核定頒發碑文前赴羊馬兩山勒石可也又據定鎮遊擊葉紀等呈稱海洋向有界限卽馬蹟山龍山宮所遺石碑爲吳淞遊兵把總祝梓壽汛地且羊山有大小之分明季嘉靖年間倭寇吳淞同金山營官兵協守於小羊山浙江兵船亦駐泊於老羊山同江南船隻交相會哨則小羊山尙屬江南所轄豈馬蹟反屬江浙兩界之山乎況自定海山而抵馬平湖縣志

卷五 武備 汛守

六

蹟水程千有餘里若吳淞關出高家嘴卽是小羊山出瞭角嘴卽是馬蹟山相距遠近不啻天淵應照歷來江浙官兵會哨之處以大羊山爲止南屬浙省北屬江省其先到者於大羊山太子舉插立木牌而轉建碑勒石以垂永久嗣後浙江海汛以大羊山爲界大羊山腳以北之洋島屬江南管轄江南海汛以馬蹟山爲界馬蹟山腳以南之洋島屬浙江管轄自西至東山島洋面俱以二山爲準各照分定界限巡哨勒石羊山永爲定例

定海縣志 觀海指掌圖防江在於

聯絡防海在於會哨會哨必於羊山羊山者海道必由之路山圍百里形似南箕中平如掌內有十八畧可藏海船數百海水鹹不可飲惟山頂一泉清淡可汲會哨必泊其中以避風汲水南至定海北至吳淞皆一潮可到蓋江浙之交界也故舟山爲浙江之屏翰而玉環鳳凰馬蹟馬墓等山輔之羊山又爲江浙兩省之屏翰而陳錢壁下大衢小衢諸山輔之陳錢中國海山之盡處海賊擊空明而來風波無際望見陳錢則喜中國之將近而必泊於羊山以避風汲水視風然後分舫然必發艇於羊山羊山旣爲江浙之



險要故防海之道賊犯江南而浙江官兵不至陳錢者罪在浙江  
賊犯浙江而江南官兵不至馬蹟者罪在江南俱以交牌號為驗  
遇賊則江浙官兵聯絡為一併力擊殺或搗其中堅或截其歸路  
或踵其後或犯其前毋使登岸入江為第一策此江浙海防之大  
要也海防類考羊山屹立大海東窺馬蹟西應滄山南援衢洋  
北控大小七山此地之重者一也溫台甯三府於汛期之際漁船  
到此而後分踪採捕南極漁山北極茶蛇二山渺茫千里處處皆  
船此地之重者二也此地不守則馬蹟可以結巢而徐公上下皆  
為倭寇淵藪不惟滄山有唇亡之慮而聲息不通應援阻絕衢洋  
當一面之衝浙西失藩蔽之固矣但羊山之外四顧汪洋陰霧迷  
漫咫尺不辨則難於瞭望港門錯雜潮勢縱橫備左右空備前後  
寡則難於防禦夫聖姑礁為居中之地創為老營而以小船數隻  
泊之羊山則張家嶼之北鍋灣嶼之東之警可備也以小船數隻  
泊之下釣則徐公之外馬蹟之內之警可備也以小船數隻泊之  
秀才等壘則衢洋之上沙塘之下之警可備也以小船數隻泊之  
西洋等壘則難山之前漁山之後之警可備也如此分佈則要害  
有守而浙西之江南交界東南屬定標北屬崇明鎮西南屬乍浦  
門戶可固矣

營乍浦距灘山一百二十里內有秀才壘巡檢插竹壘北有聖姑

明礁為江南海船經由要道無僻港暗礁堪以樵汲停泊王

平湖縣志 卷五 武備 汛守

灘山滄山 屬乍浦營乍浦灘山在羊山之西至滄山六十里距

菜薺門一百六十里列峙大洋海船經由無僻港暗礁無停泊處

滄山西北距黃盤洋一百五十里無僻港暗礁其北有小壘哨船

可暫停泊王

魚腥腦 南屬定標北屬乍浦營乍浦在羊山西南至灘山一百

八十里距菜薺門三百里海船經由無僻港暗礁無停泊處王

黃盤山中四嶼山 東南屬定標西北屬乍浦營乍浦距菜薺門

一百八十里為乍浦往來海船經由要道無僻港暗礁無停泊處

野黃盤山 屬乍浦營乍浦距金山五十里在四嶼山東北孤懸

小島無僻港暗礁無停泊處王按

以上外洋



金山 與江南交界西北屬乍浦營乍浦志 距菜薺門九十五里逼

近土隄無僻港暗礁無停泊處王

菜薺門 乍浦境乍浦志 卽蔡岐門距乍浦一十五里在金山之西

無僻港哨船可暫停泊其東有馬公暗礁王

白塔山巫子山 並澈浦境與嘉協左營交界乍浦志 逼近塘岸皆

無僻港暗礁白塔山在菜薺門西巫子山東巫子山距乍浦五十

里在舜山東北白塔西南王

舜山 南屬鎮海營西屬錢塘水師營東北屬乍浦營乍浦志 餘姚

縣境在巫子南逼近塘岸爲澈浦鼈子門往來海舶經由之所無

僻港暗礁無停泊處王

筴杯山 乍浦西南與鎮海營接界浙江通志 餘姚縣境距菜薺門三

平湖縣志 卷五 武備 汎守 三

百四十里東北至舜山六十里逼近塗面無僻港暗礁無停泊處

王

西霍山七姊妹山 並鎮海營界北屬乍浦營浙江通志 按以上內洋

按高志洋汎營轄畧而不詳張志始采乍浦志注明內外洋究嫌其未備王志查核海洋圖所載補入今從之

右洋汎

邊海營寨圖一

洋汎圖一 舊制




平湖縣志

邊海營寨圖

卷五

武備 汛守

三










平湖縣志

卷五 武備 汛守

三





軍餉 明制數目繁多不及備載 國朝滿營及水陸兩營兵餉前志失載至王志而始詳同治年間更有裁兵增餉之舉茲特查明條列以見上馬飽騰之效若屯糧雖係衛丁完辦然其田實隸邑境故附書之

嘉協右營兵 向例大建月馬兵每名應支銀壹兩玖錢戰

兵每名應支銀壹兩肆錢伍分守兵每名應支銀玖錢柒分米各

叁斗馬每匹應支馬乾銀壹兩小建月馬兵每名應支銀壹兩捌

錢叁分叁釐戰兵每名應支銀壹兩肆錢守兵每名應支銀玖錢

叁分柒釐米各貳斗玖升馬每匹應支銀玖錢陸分柒釐王同治

五年總督左宗棠奏請裁兵增餉現在大建月馬兵每名應支兵

餉銀貳兩捌錢伍分戰兵每名應支銀貳兩肆錢叁分守兵每名

應支銀壹兩肆錢陸分米各叁斗小建月馬兵每名應支銀貳兩

柒錢伍分戰兵每名應支銀貳兩叁錢肆分陸釐柒毫守兵每名

平湖縣志 卷五 武備 軍餉 三

應支銀壹兩肆錢壹分米各貳斗玖升馬每匹大建月應支馬乾

銀壹兩伍錢小建月應支銀壹兩肆錢伍分新纂 以上皆除朋

總督英桂等奏舊額馬兵月餉貳兩馬乾壹兩戰兵月餉壹兩伍

錢守兵月餉壹兩今就減裁兵數每月所省餉銀均勻攤派馬兵

月加餉銀壹兩馬乾舊額壹兩不敷喂養除官之坐馬不加外兵

馬月加乾銀伍錢計馬兵月可得銀肆兩伍錢戰兵月加壹兩計

可得銀貳兩伍錢守兵月加伍錢計可得銀壹兩伍錢月各支食

米叁斗以所省之銀抵所加之餉尚有餘即於所省兵米變價

項下補足又各營經書占戰兵之額字識占守兵之額現定新制

務使人人皆兵應按兵百名每月籌給書識辛工銀十二兩隨餉

給發另雇書識不得再占兵額又綠營積習役使兵丁伺奔走充

親隨如聽差傳號諸名目皆占兵糧擬備弁以下定以津貼公費

約有兵百名者每月津貼至多不逾捌兩之數申明私役兵丁例

禁又各營操閱有賞項差弁有盤費領餉領軍火有夫船修理軍

械有料價春辦藥鉛有不敷之炭工一切因公所需無非攤扣兵

餉遇有提鎮等官看操到任又無不私行攤派向例公費每兵百

名按月祇有肆兩數錢擬於定額公費之外按每兵百名每月酌

增公費不逾肆兩之數嚴革攤派諸弊庶各兵無餉薄之患等因

經兵部覆准奉 旨依議



乍浦水師營兵 向例大建月戰兵每名應支兵餉銀壹兩肆錢

伍分守兵每名應支銀玖錢柒分教習舵水兵每名應支銀貳兩

米各叁斗小建月戰兵每名應支銀壹兩肆錢守兵每名應支銀

玖錢叁分柒釐教習舵水兵每名應支銀貳兩米各貳斗玖升王

同治五年總督左宗棠奏請裁兵增餉現在大建月戰兵每名應

支兵餉銀貳兩肆錢叁分守兵每名應支銀壹兩肆錢陸分米各

叁斗小建月戰兵每名應支銀貳兩叁錢肆分陸釐柒毫守兵每

名應支銀壹兩肆錢壹分米各貳斗玖升新纂 以上皆除朋扣實額

滿洲水師營兵 大建月前鋒校領催每名應支兵餉銀叁兩甲

兵委署前鋒同每名應支銀貳兩米折銀各壹兩捌錢米各壹石水手

兵每名應支銀貳兩米叁斗養育兵匠兵每名各應支銀壹兩米

平湖縣志 卷五 武備 軍餉 美

伍斗馬每匹春季應支馬乾銀壹兩肆錢貳分伍釐夏季應支銀

捌錢伍分捌釐秋季應支銀捌錢肆分冬季應支銀壹兩叁錢玖

分伍釐小建月前鋒校領催每名應支銀叁兩甲兵每名應支銀

貳兩米折銀各壹兩柒錢肆分米各玖斗陸升陸合柒勺水手兵

每名應支銀貳兩米貳斗玖升養育兵匠兵每名各應支銀壹兩

米肆斗捌升叁合叁勺馬每匹春季應支銀壹兩叁錢柒分柒釐

伍毫夏季應支銀捌錢貳分玖釐肆毫秋季應支銀捌錢壹分貳

釐冬季應支銀壹兩叁錢肆分捌釐伍毫王

按嘉協右營右哨分防邑汛馬戰守目兵隨時降拔有差無額

定名數軍餉總額難以核載又各營餉銀定例每兩搭放一成

塘兵 戰兵每月銀壹兩伍錢守兵每月銀壹兩米各叁斗新纂



屯田 屯所二處俱在齊景鄉明制以二百戶領之計旗軍二百二十四名派種本縣田地貳拾陸頃伍拾貳畝內田壹拾柒頃伍拾肆畝陸分壹釐地捌頃玖拾柒畝叁分玖釐按志載有坐落各區字牙撒數核對魚鱗冊不符想係國朝清丈之後有所釐改耳茲不及備錄歲收子粒不等續奉都察院子字一百三十三號勘合議定每田壹畝額徵納米貳斗每地壹畝額徵納米壹斗陸升其該糧米肆百玖拾肆石伍斗肆合肆勺本色折色均平定額萬厯間丈過其陸千捌伯柒拾玖畝捌分貳釐內田伍仟玖伯捌拾貳畝肆分叁釐地捌百玖拾柒畝叁分玖釐計丈出屯田肆仟貳伯貳拾柒畝捌分貳釐程志

國朝康熙十年巡撫都察院范承謨親詣屯所履畝丈量題定其陸

仟柒伯伍拾肆畝柒分叁釐壹毫按張志云統海甯全衛七所而言乍所軍屯實止貳拾陸頃伍

平湖縣志 卷五 武備 軍餉 七

拾貳畝者誤內田伍仟肆伯柒拾陸畝陸分玖毫地壹仟壹伯肆拾柒

畝貳釐叁毫蕩壹伯貳拾陸畝伍分貳釐叁毫海肆畝伍分柒釐

陸毫屯糧海甯衛完辦朱志海甯衛首伍屯地肆伯貳拾玖畝

伍屯地捌拾陸畝壹分陸釐陸毫三伍屯田壹伯壹畝陸分壹毫二

柒毫地肆伯肆拾捌畝陸分玖釐伍毫蕩壹拾捌畝捌分壹釐柒

毫五伍屯田伍伯陸拾叁畝玖分捌釐玖毫七伍屯田壹仟壹伯

貳拾貳畝柒分肆釐玖毫蕩玖畝叁分伍釐柒毫海肆畝伍分柒

釐陸毫九伍屯田壹仟叁伯貳拾捌畝玖釐玖毫十伍屯田壹仟

貳伯玖拾叁畝叁分壹毫十一伍屯田壹仟陸拾陸畝捌分貳釐

肆毫地壹伯捌拾貳畝捌分柒釐

叁毫蕩捌拾壹畝柒分肆釐捌毫



倭變附按王志云嘉靖間倭犯浙西邑適當其衝自癸丑至丁巳迄無甯歲沈莊之捷渠魁逆黨殲焉以邑人言邑事蓋有與正史相發明者高志剛節舊文失之太簡如馮汝弼劉燾兩記前人所謂一處城而情真一在師而事確者均畧而不書茲採籌海圖編及海鹽圖經所載正以明史增輯成篇

海外諸國惟倭最桀悍性黠好殺明初方張逋黨在海中往往糾島人入寇太祖遣使諭之其王上書語多不遜遂絕之置衛所戍

守海防大飭永樂後稍通貢然亦屢作不靖自四明革互市之司

明史浙江設市舶提舉司以中官主之駐甯波海舶至則平其直制馭之權在上及嘉靖中撤市舶而瀕海奸人遂操其利初猶商主之及嚴通番之禁遂移之貴官家負其直者愈甚索之急則以危言嚇之或又以好言給之謂我終不負若直倭喪資不得返已大恨而大奸若汪直徐海陳東麻葉輩素窟其中以內地不得逞悉逸海島為主謀倭聽指揮誘之入寇海中巨盜遂襲倭服飾旗號並分艘掠內地大抵真三江斷舟楫之路明史明制片板不許倭十之三假倭十之七出入勾倭互市歛人許棟踞雙嶼爲之主司其質契勢家護持之假濟渡爲名造雙桅大船運載違禁物將吏不敢詰也或負其直

### 平湖縣志

#### 卷五

武備 前明倭變

三

棟等卽誘之攻剽而海防久隳戰哨船十存一二掠輒得志益無所忌來者益衆嘉靖二十六年巡撫朱統採士民言上疏請革渡船從于是私通溢由與亡命逋播者誘致侵掠而鯨波數揚氛塵

#### 四起矣

全邊記畧倭夷入犯隨風所之東北風猛則由薩摩或由五島至大小琉球而視風之變遷北多則犯廣東東多則

犯福建正東風猛則由五島懸天堂官渡而視風之變遷東北多則至烏沙門分艘或過韭山海關門而犯溫州或由舟山之南而犯定海象山奉化昌國台州正東風多則至李西界嶺下陳錢分或或由洋山之南而犯臨觀錢塘或由洋山之北而犯青南太倉淮揚登萊若在五島開洋而南風方猛則犯遼陽天津按程志云洋山卽羊山青南者青村南匯也乍浦在青南錢塘之間其爲故犯此二處者往往流突而至而羊山尤爲邑境之衝要云其爲湖患則自正統七年七月寇乍浦始按九山志永樂丙申倭寇乍浦五月登梁莊明年五月登金家灣六月再寇百戶徐榮率官軍路均在析邑前

德等戰歿成化十五年復寇嘉靖三年五月復犯據九山志補二十四

年倭四十餘突至包家埭明年夏漳寇及崇明寇犯金家灣軍士



陳馬兒等死之越二年十月又掠包家埭此皆倭賊躡乍之小者

至三十二年而禍遂劇初許棟據雙嶼巡撫朱統遣都司盧鏗將

福清兵攻其巢棟就禽餘黨歸汪直改據列表一作滬表巡撫王

仔遣參將俞大猷破之走泊馬蹟潭煽諸倭大舉入寇倭法嚴人

皆致死海鹽圖經都督萬表云向來海上漁船出近洋打魚樵柴

無敢過海通番近因海禁漸弛勾引番船紛然往來海上

各認所主承攬貨物裝載或五十艘或百餘艘成羣合黨分泊各

港又各用三板草撇船不可勝計在於沿海兼行劫掠亂始生矣

自後日本暹羅諸國無處不到又誘帶倭借其強悍以為護翼

徽州許二即許棟住雙嶼港最稱強後被朱都御史遣將領兵破

其巢穴焚其舟艦擒殺殆半就雙嶼築寨汪直亦徽人原在許二

部下管櫃素有沈機勇畧人多服之乃領其餘黨改住烈港漸次

併殺同賊陳思盼柴德美等船伍遂致富強以所部船多乃令毛

海峯徐碧溪徐元亮分領之因而海上番船出入關無盤阻而興

販之徒紛錯于蘇杭近地之民有餽時鮮酒米獻子女者自陷黃

巖屠霽霽而志益驕其後四散劫掠各通番之家則不相犯人皆

競趨之杭城敬客之家貪其厚利任其堆貨且為之打點護送如

銅錢用以鑄銃鉛以為彈硝以為火藥鐵以製刀鎗皮以製甲及

平湖縣志 卷五 武備 前明倭變 三

布帛絲綿油麻酒米等物無不賈而主名賊帥若徐海麻葉

送接濟而內地之民無非倭黨矣 而主名賊帥若徐海麻葉王志

志作葉麻誤 從明史核正 陳東等據柘林川沙窪分擾郡邑官軍望風潰其黨

方踵至 海亦徽人初為僧即明山和尚後亡命入海 是年四月二

日首犯海鹽自竹林廟經邑境典史喬登父子率兵壯邀擊遇害

生員張洽請兵於府知府劉 翌日有流賊名八大王者以四十二

懲募水兵沈應奇等應援 人自金山潛逾而南督守梁莊指揮滿朝率千戶王繼隆百戶楊

臣康綬追及白馬廟力戰死二十一日復寇縣東南境 賊轉至乍

浦居天妃宮適新至倭百餘與合勢愈熾備倭把總王應麟率兵

圍之賊給曰我等不敢與將軍戰乞退舍俟潮至願自投海死諸

軍輕信圍稍懈賊以神前長旛編帆絞索突出應麟不能禦被掠

哨船脫去巡撫仔檄參將湯克寬率邳兵三百來援二十三日賊



數百駕七艘薄乍浦城南索糧食守禦指揮姚洪度克寬將至佯約降賊因掠附近村落比援師至已飽颺有遠掠回者四十餘窟高公山負固獨留克寬率所部親冒矢石盡殲之乃命應麟守乍而旋師鎮鹽未幾倭大至凡三十七艘圍鹽三日以有備乃揚帆而北分其半由陸克寬登城樓望之顧謂衆曰乍難支矣會大雨應麟下令曰毋擊柝試靜聽之有頃賊彌漫四入而城陷應麟僅以身免千戶王鏗父子罵賊死指揮陳善道百戶陳綬冠帶總旗張儒皆死之屠戮淫掠受禍極慘時五月九日也按應麟有匿神祠梁上者見賊禱於神卜住不許卜盡殺又不許乃僅掠一日而去當是時縣未建城賊二百餘船六艘泊獨山登岸直抵東湖金家莊署知縣推官殷廷蘭戎服登舟督勇夫捍禦居民皆執木爲

平湖縣志

卷五

武備 前明倭變

三

戈聲震如雷賊駭指曰人城也適松陽知縣羅拱辰統兵至斬首

七級賊棄所掠夜遁金山有賊流至梁莊居民胡璧家拱辰復會

克寬赴勦火其廬

勇士吳壽升屋逐諸匿賊

斬獲數十餘奔散九月十二日賊

船十餘泊天妃宮參將盧鏜禦之與克寬分兵布觀山等處大戰

斬首四十級

松陽葉千戶嘉興沈隊長等四人陣亡

是日起土築城適破賊識者知

賊必死于此十二月城成是年平湖乍浦各三被寇三十三年三

月知縣劉存義蒞任

時海鹽平湖俱中倭患吏部乃選癸丑榜有才名者爲二邑知縣海鹽爲壺陽鄭茂而平

湖則劉存義

倭賊二百餘經乍教場適處州兵四百新調至饑憊應敵

敗績四月賊自松江來寇舟泊東湖存義親立堞間一矢殪其巨

魁遂焚掠廬舍而去五月賊百餘過城西楊墩

按開窗括異志村左右皆楊姓故名

舊志作陽誤

百戶朱璽追及于嘉興戰歿二十一日有三十六賊自松



江來匿大六匯民家參將張鈇把總樂墳與戰皆敗總兵丁僅

按海

鹽圖經鈇任備倭把總丙辰攝參將僅由把總陞參將墳代之在  
乙卯年皆非此年事又僅傳不載任總兵或嘗檄署因而追書其  
銜耳茲仍其統兵來援賊遁追至廣陳獲輜重三艘賊入據小營  
舊而附辨之

盤巡檢司城堅壘固守僅作木梯可並登十人者凡五具攻城賊  
飛石如雨僅以火藥筒射之賊不能支城遂下賊入巡司後堂自  
分必死斬戰傷者十餘人燔其屍而賊多漳人鈇部下有漳兵得  
賊賄佯潰走縱之出獲一賊悉其情僅縛四人獻總督張經鞫實  
斬以徇是年倭陷嘉善入崇德掠嘉興督撫大徵兵爲進勦討客  
兵數千守平湖乍浦每日給餉五分額外增稅每畝出餉至一分  
二三釐沿海之民膏血罄盡三十四年正月朔賊奪舟犯乍浦趨海  
甯陷崇德轉掠村鎮二月賊首徐海麻葉自柘林擁衆萬餘先後

平湖縣志

卷五

武備 前明倭變

三

犯平湖駕船逼東門置長梯攻城勢猖甚存義統率鄉兵民壯闔  
城士女竭力守禦生員陸萬鍾張洽參畫鼓勇人無懈志賊不得  
間擄掠而去四月二十日大倭船八艘犯乍浦五月過東湖巢于  
華都彭于梁家遠近悉被焚劫復由廣陳巢于姚梓家鏜統兵勦  
之斬首七十級餘逃至海濱陷于塗沙而獲

籌海圖編賊犯平湖  
指揮李希賢邀擊俘

斬一百二十有奇既而賊益衆攻  
城月餘始解蓋賊首莊良之踪也

是年倭犯嘉興至王江涇總督

張經督鏜大猷克寬合兵擊之斬首一千九百餘級爲軍興來戰  
功第一三十五年二月總督軍門胡宗憲巡歷浙西沿海地遣兵  
分屯平湖海鹽爲犄角時賊首據柘林衆數萬列柵爲城開厰爲  
室作久駐計分道出掠三月二十六日海卒衆欲取乍浦爲巢存  
義馳援大勝斬首五十五級翌日自金山而下復萬餘圍乍壞民



室爲臺高于城積薪其上覆以青麥順風焚煙薰守卒城幾陷兵備副使劉燾躬督男婦運石擊賊賊稍卻旬日外援不至用健卒泅水從間道馳赴軍門告急四月新巡撫阮鶚兵至圍解燾尾追之斬首一百三十級賊復由乍浦巢于鄰境之呂巷未幾復攻平湖指揮翟文擊之賊退走指揮劉岱預伏潘巷後追至瓦山勝之先是宗憲爲巡撫時與視師侍郎趙文華勦倭于松江之磚橋敗績文華氣奪乃與宗憲定招撫計令其客甯波生員蔣洲陳可願諭日本國王遇汪直養子激于五島激卽毛海峯也邀使見直直初誘倭入犯大獲利各島由此日至旣而內地官軍頗有備倭雖橫亦多殺傷有全島無一人歸者往往怨直直乃與激及葉碧川王清溪謝和等據五島自保島人呼爲老船主

海鹽圖經直造巨艦聯舫大可容二

平湖縣志

卷五

武備 前明倭變

千人上爲城樓櫓四門馳馬往來屯薩摩洲之松浦津自稱徽王

宗憲與同鄉里欲招致之釋直

母妻于金華獄資給其厚洲等諭宗憲指直心動又知家屬無恙

大喜曰俞大猷絕我歸路故至此若貸罪許市吾亦欲歸耳但日

本王已死各島不相統攝須徧諭乃可杜其入犯因留洲而遣激

等護可願歸宗憲厚遇之令立功激遂破倭舟山再破之列表宗

憲請于朝賜以金幣縱之歸會海等越皂林出烏鎮戕遊擊宗禮

于崇德敗巡撫鶚于桐鄉乘勝圍之宗憲乃遣指揮夏正等持激

書要海降海驚曰老船主亦降乎時海病創又飽掠思歸意頗動

因曰兵三路進不由我一人也正曰陳東已他有約所慮獨公耳

海遂疑東而東知海營有總督使者大驚由是有隙正乘間說下

海海遣使來謝索財物宗憲報如其請海乃歸俘二百人解桐圍



復巢乍浦初海入犯焚其舟示士卒無還心至是宗憲使人語之曰若已內附而吳淞方有賊何不擊之以立功且掠其舸為緩急計海以為然逆擊之朱涇宗憲令大猷潛焚其舟海心怖以弟洪來質獻所戴冠劍及他翫好宗憲因厚遇洪諭海縛陳東麻葉許以世爵海果縛葉以獻宗憲解其縛令以書致東圖海而陰泄其書于海海怒其愛妾紫雲翠翹受宗憲賂亦說海于是海復以計縛東來獻按海鹽圖經宗憲遣謀招撫海欲降于官爵欲歸具舟送之海洋諾投降實私營歸計舊志載六月十七日遣使各縣促船限二十五日泊乍浦設浮鋪南北相連十餘里二十九日海行出海口見兵船如蜂聚火礮之聲震海島蓋即圖經所云具舟送尋導燾等掩殺二人之部黨于乍浦大破之斬首七百餘級焚溺死稱是諸大圭乍浦紀捷嘉靖丙辰秋七月賊徐海陳呂巷新場移屯乍浦城南營厥絡繹改修舊船以圖出海且窺伺我兵強弱為其進止總督侍郎胡宗憲策知其計因外示羈縻而

平湖縣志

卷五

武備

前明倭變

三

密檄副使劉燾圖之會尙書趙公文華再命督察至公乃與定議以乍浦西南海塘可通杭州杏浙福提督都御史阮公鶚偕郎中郭仁副使徐洛總兵徐珏等壁海鹽以遏犯杭之路東北金山可通松江浦東各直隸提督都御史張公景賢駐松江而參政任環僉事董邦政留守王倫同知熊桴容美土官田九霄等扼青村黃浦及出海之路公親督大兵與參政汪柏參議王詢等駐平湖與賊偪壘而陳總兵俞大猷盧鏜等則以舟師設伏洋山馬蹟邀其歸路分布既定候問而發適上海之賊由吳淞而西南出復萬餘人公恐海或中變與之連衡急啗海使東出擊賊可得舟還島海以為然果逆斬賊數百賊遂夜走以故海不及取其舟而返其他酋長脫出海者公已別遣大猷伏飛艦海上遮擊之溺且盡公又計海書記麻葉不死無以堅其內附之心而陳東者與麻葉聲相依桐鄉之役與海相睚眦者也於是又計令海縛麻葉併陳東以獻海遂併有其眾而諸酋長則疑且怨海矣海自度進退無所而公故與趙公薄責海益急因遣謀私海令其誘眾俘斬之以謝可無罪海不得已從之遂與定約公乃令副使劉燾引遊擊尹秉衡兵夜伏乍浦城中而徐珏等兵分為三哨進壁白馬廟左灑等兵由平湖間道而出主簿曹廷慧參將丁僅等壁乍浦城以為內援至期珏等移營瓦山海果等妻走海上艘羣倭爭逐之大亂城上舉火我兵四合疏進大敗之燒賊巢廠二十餘里時海執稱歸順投梁莊去請遁出海洋者大猷兵邀擊之前後俘斬七百有奇沒海及焚死者無算乍浦之賊無孑遺矣夫徐海以首惡煽禍而陳



麻葉等爲之犄角勾引外夷侵擾中土受其螫毒者五年矣丙辰春擁衆數萬分道入寇北犯瓜揚阻絕運道東掠甯紹牽制我師聲言欲下杭州犯留都比之曩時猖獗尤甚公相度機宜不輕與爭鋒捐千金賞敢死之士用間誘退呂巷賊艘以伐其深犯之謀復誘令殺賊立功以翦其羽翼之勢禽麻葉陳東度其孤危可邀之無一得脫者後先下著不爽纖微島夷之

地得沈參政築莊屋東西各一以河爲塹居海東莊以西莊處東

黨猶慮其生變日遣通事三四輩慰藉備至海始刻日請親詣平

湖降副使燾議欲放之入城城中士宦慮有變議相左咸繫鍊于

頸走索燾同赴京奏辯燾家兵並騷動閭城闐然宗憲鶚及巡按

趙孔昭在郡聞報急趨解之未幾尙書文華亦至八月初一日海

率其黨陳于城外自與酋長百餘胄而入先是限是月二日進款

而海故示強梗先期猝至宗憲令諸官兵聯屬直抵各衙門盛陳

平湖縣志 卷五 武備 前明倭變 三

兵器令賊縱觀咸有畏色海叩首呼天皇按舊志作星誤爺死罪死罪文

華及宗憲鶚慰遣之海欲識總督通事指之海復款如初宗憲手

摩其頂曰毋更作孽獨孔昭震怒不爲禮謂汝害我無數百姓當

服何罪海俛首伏地久之若有退避之狀因開關放出籌海圖編

爲官兵破海內不自安陰修戰備爲死鬪之計胡公知之復令羅

龍文童華等往慰之且諷使入見海猶豫未決龍文宿其營安寢

如家海以足躡之覺曰此虎狼之穴可酣睡若此耶龍文曰我爲

爾百口且不能救龍文曰趙公初意如此今也則否海曰聞趙必欲

殺我恐公不能救龍文曰趙公初意如此今也則否海曰聞趙必欲

誘我而執之耶華曰胡趙二公欲爲爾題請封爵使爾專提一旅

之師捍海上寇若不入見彼何所據以上請也海曰蹈不測之險

奈何龍文曰我京官也且胡公媼戚爾第入見我則質爾營中萬

無一失矣海始肯華既馳報軍門軍門許之爲之期日謀使復

數四約既定海猶慮中變先期而至入見胡趙阮三公及巡按趙

公孔昭于平湖城中受犒而出謂龍文等曰鑒諸軍門之貌吾禍

終不免歎息者久之時官兵回集軍威甚盛海偵知之陰收陳東

麻葉餘黨謀拒自全胡公復遣華往解之海迎謂曰吾以爾言結

怨諸倭今軍門既受我降而復徵兵漸逼非爲我而誰耶此左右



縛華將殺之華大笑不止海曰爾尙何言華曰我笑爾不識人以忠爲奸使我枉死爾手耳海曰何謂也華曰陳葉二黨尙多且心跡不一今陽爲附爾實爲豫讓之計軍門恐爾入其彀中故遣我相問官兵壁近郊者防其變也爾尙不悟耶海曰然則如之何華曰今沈莊有東西二所爾曷不分其黨各自爲巢而密約官兵殺之爾後患絕矣海深然之卒用其策由是二黨互相猜疑初八日海自沈莊遣使抵軍門曰願買此宅及田三千畝爲贍永願投降不渝前盟宗憲亦令東致書其黨曰督府檄海夕禽若屬矣其黨懼而將攻之十一日海歸計不遂見水陸兵各處戒嚴始悟連和爲僞悔散黨勢孤乃以計設酒會鄰徧送飲券三四里間以年高者先民懼不敢往惟比鄰附居者赴焉是日合四十餘人人設一席肴核豐腆結鄉鄰久處之盟各贈金而散次日亦如之壯夫赴席者至二三百人酒半出刀髡其首咸劫爲用及宗憲遣使至海執而戮之連和之路自此塞矣十九日海知危在旦夕二鼓平湖縣志

卷五

武備 前明倭變

三

遣親密護翠翹等走間道圖遁會東葉黨每夜偵伺不得出永順保靖兵進薄沈莊禽四賊誘斬二十餘級二十四日宗憲等督諸路主客兵二十餘支京營神鎗手三千名涿州鐵棍手六千名保定箭手三千名遼東義勇衛虎頭鎗手三千名名河間府義尖兒手三千名德州兵備道民兵三千名臨清曹濮二道團操快手兵三千名河南毛葫蘆兵三千名睢陳兵備道團操馬軍三千名漢州府礦徒三千名永順圍之數重賊發礮以銀保靖二司土兵三萬容美等司土兵一萬塞礮口火發銀如星飛中人中土中水如雨鳴衆皆不能進翌日辛亥宗憲令取民家犬數百爲羣被以戎服當礮擊使數人持火雜于羣中驅之以入賊但擊前犬不知火已四發矣官兵乘之斬獲二千餘級焚溺無噍類籌海圖編時賊巢甚堅難于進攻義勇官兵乘之遂大捷進重傷升屋以死惜無父母妻子故其功莫酬焉是日海爲警黨偪殺獲屍水中會盧鏜亦禽辛五郎至辛大隅島主弟也遂俘洪東葉五郎及海



首獻京師鵲與總兵俞大猷盧鏜合兵圍之賊潰走踰桃花嶺度  
甯波賊突走溫州至福甯得舟而遁一支自南直出海為大猷兵所  
滅一支自浙江出海為鏜兵所滅其得脫  
走者突登慈谿伏龍山阮鶚率兵滅之  
九月朔設宴百席奏凱

論功行賞加秩有差明年直亦降詔斬于省城浙西倭患悉平王

馮汝弼當湖勦寇紀事嘉靖丙辰春三月劇寇徐海即明山和  
尚大合賊黨及倭奴數萬由乍浦趨柘鄉攻圍甚急巡撫阮公守  
禦數月幾不可支時梅林胡公以兵部侍郎總督軍務未閱月也  
兵僅二千餘勢難與敵乃陽示招撫為緩賊計海果就撫解圍其  
黨陳東獨與海異然以勢孤旋亦引去復合于乍浦公知賊有隙  
也遣人問于海曰若誠降必執會首麻葉來海即執麻葉獻適尚  
書趙公文華已領兵至公復遣人問于海曰若誠降必執會首陳  
東來海即執陳東獻余入賀曰徐海信不負公矣胡曰海不負我  
我欲負海耳余以是知公之終必勦海也公謀秘人鮮有知者公  
復遣人問于海曰天兵靖亂非立大功無以自贖海因給衆陽為  
聽撫而陰約我軍乘其懈擊之公令預泊敵舟數十艘于海灘行  
兵備劉公潛入乍浦城覘賊知諸倭疑海有賣衆歸降意咸伺海  
海不得自出入劉公曰賊心離矣幾不可失也約諸路兵城上舉  
火齊發先是阮公督諸路兵伏各要害處諸路兵見城上火起爭

平湖縣志

卷五

武備

前明倭變

三

趨奮擊海挈妻妾率精銳二千餘人循城來賊遂潰我軍追殺斬  
首七百餘級餘賊爭奔海舟自相殺蹂踐溺死者甚衆海率衆由  
梁莊入據沈家莊去縣治僅十餘里衆心洶洶且懼公羈縻  
之問謀往來不絕未幾海率黨二百餘人詣公降時趙公阮公及  
巡按趙公俱在座賊介而入弦弓藥銃勢甚猙獰一見即復去公  
亦不復留也邑人轉驚懼若不可一朝居者一日公及阮公邀巡  
按趙公過余山園登山亭盡屏諸從人議勦賊事聞是議者惟東  
匯呂通政及余耳趙公曰賊名雖降我觀其情狀抗我也速勦  
必遣大患公謂賊黨方固我兵不精勦之必不能勝不若姑少待  
之時問謀未成永保黨方固我兵不精勦之必不能勝不若姑少待  
日公家此地利害切身必有定見余曰僕山野之人安敢與廟堂  
之計然僕家此地得此賊早離此地一日則此地之人獲一日之  
安耳趙公惻然謂公曰能五日內驅此賊使離此地乎公舉以  
指曰不去此則可今去此賊不信矣安能驅之蓋海之聽撫質其  
弟洪于公公處之嘉興尙書趙公斷其手大指故云趙公沈思久  
將何以復命公又曰不若姑少待之外地倘遁歸海島朝廷有處分  
宴于聚樂草堂酒數行即罷志有在也海所據沈莊有新舊二宅  
海居舊宅是為東巢陳東麻葉之黨居新宅是為西巢公遣人間  
海使攻西巢以自劾海猶豫未決公復使人遣金珠美飾于海愛  
妓翠翹紫雲者翠翹紫雲日夜勸海攻西巢以自劾也海以罪重  
恐西巢既覆東巢亦所不免尙存遲疑使人洩其謀于西巢西巢



之賊始相疑懼離心于海矣適永保兵至公遂欲大舉為擣巢之計乃協謀于尚書趙公及阮公督諸軍齊發公親履陣向書趙公及阮公俱駐軍中隨宜經畧而兵備劉公獨率驍勇先登先是西巢之賊疑海之圖之也悉奔東巢以制海海亦知西巢之賊之疑之也居其衆于外舍而擁兵自衛由是互相疑忌不為戰守備劉公率衆直抵賊巢賊有格鬪者輒射卻之乃舉火焚巢時東南風急煙焰蔽天賊莫知所措我軍齊進斬首一千四百餘級焚溺死者不知其數廣兵名海底鬼者獲海屍于浜水中蓋二千餘賊殲焉無一人得脫者時八月二十五日也海之為禍首尾五年方數千里生民咸遭其毒殺害諸路官兵不可勝計而殲于吾邑公之運籌決策固自有成算而吾邑人心效順于公山川鬼神其亦有以識公之忠誠而默相之與見只編倭賊徐海內訌吾郡受禍最酷沈莊之捷亦用兵一大捷然籌海圖編所載不詳偶得兵憲劉公燾所著沈莊進兵實錄一篇節其文以著其實嘉靖三十五年七月二十九日徐海敗走梁莊遂于八月初一日率倭一百五十餘人詣平湖城乞降軍門納其降而厚資以歸夷性狡猾以擄掠為食者也至是則縱之乎抑禁之乎抑官府為之供給乎不數日提督趙公總督胡公遂下令郭郎中會劉兵備燾議處適聞永保兵將至遂上進兵之議賊聞知之即于八月十六日舉旗放火分據沈家莊新宅以為西巢徐海盤據沈家舊宅以為東巢相去約有三里周圍水繞數重折所在民舍板片沿牆起蓋敵臺本月十八日永保之兵始至平湖十九日各軍門下令曰二十日子

平湖縣志

卷五

武備

前明倭變

三

時放炮三筒起火三枝催督各兵一齊進戰至二十日西路永順之兵止可達于黃泥堰去巢尚有數里東路保靖之兵止可至廣陳去巢尚有二十里南路直隸之兵止可下梁莊且隔水數層至二十一日以永順彭翼南之兵分為三哨以攻其西北保靖彭蓋臣之兵分為三哨攻其東北容美司田九霄之兵山東遊擊尹秉衡河間直隸總兵徐珏參將左灝之兵攻其東南山遊擊尹秉衡河間守備朱應河南守備夏時本地參將丁僅把總樂填之兵攻其西南各路期以舉火為號過水搭橋而進本日午時輕兵哨近西巢不及一里賊有四百餘人執旗揚兵劉登房觀望尚隔水港二道至晚各散回營諸兵尚在五七里之外屯住至二十二日劉同巡撫阮公復至前地察賊虛實永順等兵見得巡撫親臨亦至前地屯劄劉乘馬率家丁五十餘人又越一水去巢不及一箭之地尚隔一水賊有五七十人出巢迎敵當被箭砲射打即時退入牆內劉督令水兵王三先行浮水放火巢外草房盡行延燒將大發嶺十三座排列水邊或打敵臺或打門牆聲勢振天賊止沿牆探頭而望至晚將永順兵誘至此地安營二十三日夜督兵搭橋過水以搗西巢先差永順兵過水踏路有賊百十餘人一擁衝出將兵衝為三股賊分三路追趕去巢約有三百餘步劉率箭砲官兵同尹遊擊從旁衝擊賊方退敗回巢各兵又復追回止斬獲賊首三顆劉見官兵單弱恐賊再出即督土兵策應更無一人肯渡水者天已近晚復將前兵據水屯劄至二更時分哨者報各賊下船出巢彼時天色昏暗且係各處雜集之兵彼此素不相識萬一驚詐必



至敗溺此時有兵難遣惟靜以應之及至哨者為報曰賊奔東巢矣方敢發輕兵五七十人尾後斬獲首十二顆而各營尚未知也至天明二十四日先將西巢焚燒去東巢尚隔二水復督前兵搭橋過水而東巢賊之火器猶多南門安架發礮諸兵莫敢近前劉同尹遊擊率輕兵五七十人親詣南門被賊向劉放一砲其鉛子去劉不遠尺餘人土尚滾三五尺劉即向賊連箭三賊即棄礮追入門內各兵方敢挨次而進彼時天色將暮復喚永順把總田有年等曰此地去賊止隔一水夜晚切不可搭橋恐我之所入即彼之所出且依水為險至天明二十五日密約直隸山東之兵鼓噪而前南面之兵砲火連天而進永順北哨恐南軍先進即爭先而奔至牆下矣一哨之兵既進則西北各路之兵一擁俱至牆下賊即賊敵臺賊即棄臺則西面三臺盡為我兵所得遂由臺登牆由牆登房牆下之兵始得由牆孔而入即斬首數十將發礮奪獲並徐海之妻擒出賊即東潰以衝東北保靖之兵連邵二陣幸有郭郎中在營復催唐參將徐總兵等率箭砲攻打賊復入巢保靖兵亦得挨至牆下彼時東南風甚急遂縱火燒房煙燄蔽天西北房上之兵為煙火所逼各下牆躲避兵疑為賊衝出轟然大潰各兵奔有半里之外回視旗鼓不移方住劉請軍門旗牌欲綁丁參將以申軍法各兵稍定又有浙直水兵乘勢入巢竊取財物又復驚潰各兵又退三五五百步之外回視旗鼓不移復住如是者三不見一賊追出劉曰此非賊也兵也互報賊以爭利耳遂將水兵攔住不

平湖縣志

卷五

武備

前明倭變

三

放一人入巢自辰至未西面斬首七百有餘東面斬首三百有餘至日將晚不見徐海巡撫阮公亦至陣首劉請過水把總田有年急來報曰此夾牆內尚有百賊短兵不能相接可請砲箭手四十來射打劉即時令丁參將尹遊擊共發砲箭手四十人入巢射打賊即退敗七兵曰我自取首級不用你了各兵一回賊即乘其退勢鎗刀直上兵又大敗越牆越屋拚死而逃遂由西夾牆向南吶喊衝來劉正在西南牆下即時放砲吶喊鼓噪而前賊遂由牆而東以衝南門容美之兵又復敗走所幸南門原係船搭浮橋方過而船即脫矣賊不能渡劉復催永順之兵二千從後追之賊見兵追慌懼下水兩岸夾擊一時斬首二百餘級此時徐海亦為水中之鬼及至收兵天已昏黑首級不及驗看明晨查驗至左哨土焚死者一千二百有餘人皆曰沈莊之捷而其所以捷者賊計拙而兵力不齊耳使當時賊若乘夜以亂三軍合力以衝一面我兵雖有三萬之眾分為四面之圍當鋒于一路者亦不過一二千人耳彼豈能盡為釜中之魚乎愚故曰沈莊之捷者人也不過一二千人捷者天也



英夷之變

道光二十年六月八日英夷陷定海各海口俱戒嚴邑人洵懼是

議禁鴉片煙兩廣總督林則徐絕洋販嚴海防夷人失利畏二十

威不得逞詭自天津訟於 朝林以開釁被謫去夷勢遂張二十

四日有夷船一駛至乍浦發礮傷十有四人至晚揚帆遁二十一

年十二月十七日火輪船二率艇船數十駛至乍浦泊燈光山外

十八日西北風甚退至秦駐山十九日復進泊萊蕪門發數礮乍

浦居民倉皇遷徙城幾空二十二年四月九日夷艘二十四復犯

乍浦勢張甚鎮海水師副都統長喜禦敵葫蘆城即保安城受傷佐領

隆福設伏觀山灣天尊廟夷眾越嶺隆福率所部火器齊發傷者

以百計勢稍卻適唐家灣夷兵援至廟火二百餘人皆戰死長知

事急入鎮城投水士卒救之得不死退守郡城乍城陷同知韋逢

平湖縣志

卷五 武備 英夷之變 三

甲死之協領英登佈佐領隆福等皆巷戰死滿兵死者數百人長

越十一日卒於三塔灣殉節諸臣詳先是巡撫劉韻珂調兵守乍

浦漢中鎮德某統陝甘兵駐唐家灣是日夷艘別隊由東山嘴登

岸千總李廷貴張淮泗等率兵力拒於唐灣山北格鬪逾時互有

殺傷夷勢稍挫旋益以精悍併力交攻而山東兵不戰而退陝兵

無援遂敗廷貴淮泗皆戰死弁兵死者四百餘人詳王寅太湖營

兵亦先潰死者四人夷目郭士立據城後大肆淫掠會

朝廷命伊里布為副都統而乍浦鐵板沙不利輪船遂於十九日縱

火登舟去自天妃宮起延燒數里火神廟關帝廟潮乍浦解嚴新

陽廟軍功厥葫蘆城及普照禪院俱燬



粵匪之變

咸豐十年閏三月金陵大營潰

粵逆洪秀全自道光三十年倡亂廣西咸豐二年竄擾兩湖三年踞

金陵官軍圍之至是以統

軍和春滅給軍餉兵遂潰四月逆黨李秀成率悍賊數十萬畧蘇

常而南二十六日陷嘉興會有巢湖船數十艘自西來泊於湖邑

人震駭扶老攜幼乘夜出城號泣之聲不絕先是知縣汪元祥募

勇四百名以土豪毛三領之彈壓盜賊乍浦都統錫齡阿亦以賊

勢猖獗撥滿兵四百名至平築壘挖濠與鄉勇協力固守六月十

三日副將劉仁福率兵千五百餘名船百餘艘自北而來民復大

駭元祥出城迎勞商請駐軍十八里橋以遏賊勢仁福不可許籌

粟以給軍儲乃引兵而西駐於新豐月餘賊不出而仁福求糧求

餉無虛日元祥竭力籌借漸形拮据而平民故嗇於財困粟囊金

平湖縣志

卷五

武備 粵匪之變

罕

不肯分給軍士黠者避居鄉間元祥不得已令運米出城者輸百

之五乃得稍稍分粟給軍而仁福意未愜也七月十三日仁福探

知嘉善已失率衆回平有一兵繫紅巾騎馬大呼而來曰賊至矣

民之未徙者倉卒出城城中大擾幸滿兵出隊彈壓鄉勇助之乃

取道海鹽而去十五日有賊船數十艘自嘉善來

秀成別部將至萬程

橋元祥急令滿兵拒戰毛三率勇以為援滿兵轟擊良久燃巨礮

擊沈其一艘賊少卻舍舟而陸分為兩隊一由打傷橋而東繞出

滿兵之後一由永興橋而北乘北門未闔舉旗登城毛三之勇呼

曰賊至矣遂潰賊前後夾擊滿兵死者一百二十六人餘見水逸

賊遂大隊入城方賊至時元祥乞師於錫齡阿師未至而城陷十

八日賊遁城內外民房焚掠一空大小街無餘燼焉八月初五日



嘉興賊復至入據城日出劫掠鄉民之黠猾者往往斂財聚米賄賊以圖免新倉鎮奸民亦與焉時鎮爲平乍殷富所聚百貨充牣賊垂涎久憚民團未敢發會奸民至探得其虛實遂於十八日取道廣陳水陸並進團民潰散居民奔避不遑賊遂飽掠而歸民被擄者四百餘人船數十號焚民房十餘間賊回城卽竄往嘉興而去九月元祥遣使間道乞援於杭巡撫王有齡調提督米興朝率兵一千五百名副將黃金友統兵五百名船四十艘駐平以固乍防興朝乃塞水陸各門毀橋斷道爲憑城固守計金友軍於東湖以爲之援十月二十九日嘉興賊復至攻西門興朝背城搏戰晝夜不懈部將朱衣尤爲奮勇殺賊無算賊氣已衰會錫齡阿援師至乃遁而嘉善賊亦自鍾埭來犯由北莊橋而南至城濠橋撤不

平湖縣志

卷五

武備 粵匪之變

三

得渡乃繞城而東至松風港金友隔水拒之發火箭斃騎馬賊一名賊驚守城之兵鼓噪應之賊棄所掠而遁翌日金友整隊會興朝之軍長驅而北至鍾埭賊匿不出乃攻其壘擒十餘賊以歸殺之十一月二十五日賊掠新埭先是新埭自平邑失守土豪方八馬全等集團勇固守聲勢甚壯避難者稱樂土焉是日嘉善賊馬步七八千人奄至先有一賊建大旗於高橋賊之大隊遂自西而東團勇潰散有勇八人擊殺其先鋒賊二名賊大至死者五人焉其三人者逃而免賊踞鎮數日晝則剽掠數里外夜則斷橋扼水而守之及去鎮上廬舍被焚殆盡十一年二月海鹽陷江南提督曾秉忠遣將駐師於梁莊爲乍浦聲援二十九日官軍收復海鹽曾師還三月初八日海鹽復陷賊謀至乍浦詭爲敗兵以窺虛實



初九日黎明賊合衆數萬犯境調防乍浦之英武軍潰走時米興朝部將

守惹賊長驅而入協領桂祿順德率兵拒於東寨以連環鎗擊之

稍挫賊南北分兵一從田漾前後夾攻桂祿一軍戰死一從海塗

繞湯山灣而進水勇目王德潤揚帆先遁泉漳人導賊登南城副

都統錫齡阿督兵城西賊悉衆鏖戰錫力絀勢孤將入城爲固守

計而城中火發賊勢益張錫入城巷戰手刃數十人中火銃卒闖

門殉節協領多仁圖伊車佈等守北門遇賊目章愚琴力戰死之

乍城遂陷米興朝率潰兵走金山衛初十日邑城復陷元祥乞師

於江蘇以圖恢復副將黃金友壯之即請提督曾秉忠分兵協攻

而自率所部先進秉忠撥水師四十艘遣弟遊擊守忠赴之民團

亦至五月初一日獲勝於廣陳初三日復剿除太平橋竄匪生擒

平湖縣志 卷五 武備 粵匪之變 三

僞官四名初四初五等日毀徐家埭賊壘轉戰陸巷港魚潛浜等

處所向皆捷初七日逆衆復回撲廣陳金友逆戰於十字街戰方

酣發火箭賊披靡援賊大集相持久金友右脇被傷猶死戰士皆

奮呼無不一當百賊復竄明珠菴守忠與團勇夾擊賊始卻金友

創發登舟而卒詳黃金友傳其乍浦賊亦分路來犯爲已革總兵米興

朝所擊賊敗回巢同治元年四月白頭賊數萬自浦東竄回踞平

湖之東境時賊無見糧覓食村落居民不能堪乃流離四散自徐

埭以東數十里無人煙月餘賊無所得食會官軍收復金山賊西

遁五月武舉錢某自上海歸爲賊所得挾之以攻涑涇賊遂集數

千人船數百從新埭進江南提督曾秉忠迎擊於泖口大戰自辰

至未勝負未分適松江援兵至水陸夾擊賊大潰生擒數百人擊



殺數百人溺水死者無算二年二月賊築營於新倉江南副將覃聯陞駐師金山將攻之初十日黎明率師至金四孃橋分兵截乍浦之賊留三百人守大營而北趨新倉先攻西營破之折而東躍馬至秦橋下忽中槍墜馬卒衆怒咸奮勇殺賊張堰別將兵亦至燃巨砲轟破東營轉戰而前焚賊船三百生擒五百斬首無算賊自是不敢復東九月江蘇巡撫李鴻章遣統領侍講劉秉璋常鎮道潘鼎新觀兵於楓涇平湖賊曾陳殿選遣人乞降不許十月殿選出至大泖塘求見秉璋鼎新言城中不願投誠者半請謀定舉事鼎新等察其意誠許之初六日潘鼎新遣夏金標潘鼎立率所部進屯廣陳觀動靜劉秉璋遣聶桂榮張應奎由楓涇進新埭楊鼎勛出隊千窰秉璋自進兵鍾埭以綴嘉湖各賊而絕陳曾反顧

平湖縣志

卷五

武備 粵匪之變

三

之心初七日令徐道奎率水師夜逼平湖城下殿選卽勒所部分圍各賊館開門迎我軍入城將賊洗天安陶雲從翼天福江之源蓬天福胡金鏘剛天安沈本立各館悍賊誅戮殆盡督令台城薙髮率同陳殿魁王應海錢玉興朱六玉所部萬餘人悉降次日遂將平湖收復殿選初約乍浦熊建勛同降建勛未決二十六日茹天福甘曾密約內應十一月初五日鼎新夜督軍銜枚疾走過東門外殺人牛橋賊壘賊睡中驚起戮之比到乍城賊已有備甘曾謀不得發鼎新踏毀三里橋賊壘殺賊數百餘衆逃往沿海山坳自相踐踏而死者無算建勛氣懾始乞降鼎新令主簿趙濟川入城宣諭賊衆初十日復令丁壽昌唐宏成劉思洲帶三營屯城下自督潘國揚一營勒兵平湖南門外以俟十二日建勛率衆薙髮



獻城遂收復乍浦而平邑無賊蹤矣  
明年二月嘉興杭州並復六月大軍克金陵秀成伏誅

平湖縣志

卷五

武備 粵匪之變